

प्राउटिस्ट सर्व समाज समिति कर घोषणा पत्र हाँकवारी चिट्ठी

विदेशी राजा मनक शासन आउर शोसन से तबाह—तबाह होई के उमइठ गेलय। जब भारतवासी, आउर सहेक नी पारलंय, तब सब कोई मिल के दुख आउर तकलीफ से बांचक लेगीन आन्दोलन करलंय, बड़ा मोसकील से छुटकारा तो पालंय भी, लेकिन पहार के कोड़लंय तो मुसाय निकइल गेलक। आमत कर डरे भागलंय तो तेतइरे तरे बासा होई गेलक। गोर नेतामन से करिया राजनेता में भ्रष्ट आउर सेसर स्वाथो निकइल गेलंय। बाफ कर नाँव सागपात तो बेटाक नाँव मिठईदास कहेक लखे। केतना प्रशंसा करल जाय। जेतना कहब ओतने कम होई जावथे। इतिहास जे भी कहथे लेकिन एखन कर राजनेता जोन ठाँव होय भौगोलिक हो या राजनैतिक मड़ियाय है। सेके पुरखा बाफ दादा कर जागीर हेके लेखे आपन नीजि स्वार्थ कर खेलौना मैदान बनाय लहय। इकर में आपन संगे—सगे बड़का—बड़का पूजीपतियो मन कर भी भागीदारी हय। नेता मनकर मुड़ गिनती भी बढलक। छोट कर छोट टुकरा बोड़ कर बोड़ टुकरा। उ टुकरा भी बढलक। ज्ञान आउर बुधी कर दुश्मन राजनैतिक बुड़बक नेता। आउर चालाख नेता बुड़बक आउर भोको कर रंग में रंगाय के गरीब आउर

दारूपिया भोट देवइया भी बुड़बक सब मिलके। मातल बान्दरा कर हाथे नरियर कर लखे। गुलाम से आजाद देश के, सोना लखे चरई देश भारत के सब नेता दुहरेक लाइग जाहंय दुयो हाथे। अंधेर नगरी चौपट राजा लखे। एक धर जान भी उपाय से होवे भोट में जोत जायक हय। पाँच बरोस तक राजा बईन रहक हय। गरीब, गरीब होते रहों अमीर अमीर होते रोहो। दिन दुना राइत चौगुना। एहे तो हेके एखन कर आजाद होल कर माजा, कह चाहे दुरदाशा। आउर दोसरा सबकर से बड़का विकराल विश्वव्यापी समस्या आवथे। इकर से पार पावेक सहज नखे। इकर जवाबदेह भी देश दुनियाँ कर अगुवा भी विश्वव्यापी नेताय मन हेकंय। इ समस्या हेक पर्यावरण प्रदूषण आउर जलवायु परिवर्तन। परमा प्रकृति जे बीमार होहे। उकर इलाज पाँच बरन कर गछ के भईर रोइप देले काम नी चली। अगर एखन सावधान नी होवय तो पूरा दुनियाँ में प्रलय होय सकत हे। होई सकत है नही अवश्यम्भावी ही सोचेक हय। इकर वास्ते मानता भईर नहीं। नव्यमानवता कर सहायता लेके पड़ी। एखन समय हय। आपन स्वार्थ के छोड़ के, शासन आउर शोसन के भुलाय के एक बरनिया जाइत, भाषा आउर संस्कृति वाला मनकर आर्थिक इकाई समाज बनाय देवेक। एक बरनिया समाज मनकर आवश्यकता आउर समस्या, विचार, भाव, विकास लेगीन आवश्यक शर्त एके बरन रही। सेले एखन कर जे व्यवस्था है ठांव में कब्जा है। शासन आउर शोसन कर जे भितरिया तरीका हय सेके बदलके पड़ी। इसन व्यवस्था कातना दिन चली। पाछे साम्हरायक बलाय होई जाई। नव्यमानवतावाद

कर हिसाब से सब एके परमपिता, सष्टिकर्ता कर बेटा बेटी सहोदर भाई बहिन हेकंय। आपन बाप कर सम्पात में सबके जीयेक खायक कर हक हय। एखन हामर समाज में देखल जाय तो सरसरी नजइर से भी तो एतना विषमता हय कि सष्टी कर सबसे उन्नत, विवेकशील योनि कर लगीन कल्पना से बाहर हय। एतना बड़का सष्टी के जे बनाहे का उ नी देखत हे। देखत हे। हामर में ही दोस है। समझेक नी पारत ही। उ आपन काम करथ, करी। नहीं कर सवाल नखे। हर किसिम कर उँच—नीच, अमीर—गरीब, अंधविश्वास, साम्प्रदायिकता आउर ढेईर किसिम कर भ्रष्टाचार, दुराचार, नैतिकता जमे नखे। कतना दुर्गुण के गनल जाय। पेट कर चलत अदमी असामाजिक काम तो करत हय। गरीब तो गरीब अमीर सीमा के लांइघ देवत हय। अमीर से बागरा तो उकर अगुवा—पछवा मन कर कहल नी जात हे।

दुदशा होवेक कर कारण हेठे लिखल जाथे:—

- (1) उपरेहें कर करता धरता मन कर देखा देखी हेठे कर मन भी करते आवेना। सबसे उपरे वाला मन सबसे बागरा खायना। हठे आते—आते कम खाते—खातं सबसे हेठे वाला मन के कानवा चाहे कंधी तो मिलबे करेला।
- (2) जे मन पढ़ेक लिखक में साढ बाइस रहेना से मन बागरा फटीचर रहेना। सेहे मन बड़का साहेब बनेना। जेमन पढ़ेक लिखेक में तज रहेना से मन बड़का साहेब के सलाम करेना।

चपरासी मन तो आपने आप के साहेबो मन से कम नी सोचेना।

- (3) एखन भ्रष्टाचार कर युग में तो बाप बड़ा ना भइया, सबसे बड़ा रुपैया। जेकर ज जातना बागरा रुपोया है ओहे सबसे बोड़ आउर कार्बल अदमी हेके। सउब माने में उकर से बोड़ केउ नखंय। सेहे लगीन नैतिकता भी नखे आउर अदमी होवेक कर नाते जे काम करेक चाही से भी नी करेन।

व्यवहार भी ठीक नहीं आउर अदमी मनकर भलाई होवेक लखे सरकारी काम कर नी होवेक भर कर कारण हेठे है —

- (क) देश विदेश में बड़का—बड़का कम्पनी आउर बड़का—बड़का बाजार भी हय। सेकर विदेशी पूँजी भी मिल जायला।
- (ख) ई जगन से दोसरा ठीन लेजेक कर तरीका एतना गड़बड़ है कि कोनो नी कोनो बाहना से कय नी कय अदमी उके छुबंय तब उ चीझ पोहचक ठाँव में पोहंची।
- (ग) रोजी—रोटी कर लेगीन आम अदमी के कोनो काम धंधा नी भेटायला।
- (घ) काम बहुत अदमी मिल के करबंय लेकिन नाफा सबसे बागरा एके झन के होवी। बाद बाकी आउर अदमी के केखो केखो मिटकल मिली। आउर (माँड़ भात) केखो केखो जमाय नी मिली। कइसनो चोराय चुरु के सरकारी आउर और गैर सरकारी (प्राइवेट) अदमी मन

के तो टैक्स देके होवी। काम जे भी करय। लेकिन जे मन भितरे—भितरे लुकाचोरी कोतना बड़का काम करबंय उमन फाहे फाह निकल जाबंय। टैक्स के वांचाय लेबंय।

(च) इ सब उपाय पतर बुड़बक, बोका आउर गरीब मन ले करल जायला। जेकर से धंधा पानी चलते रहोक। बेचारा गरीब मन सब दिन शोसित होते रहों।

(छ) आउर इसन पढ़ाई लिखाई पढुवाल जाय की उमनके गेयान, बुधी कोहियो ना होवोक। घटो लेकिन बढ़ो नहीं। आउर हमरे पीढ़ी दर पीढ़ी हामर पेशा चलते रहोक।

43 भारतीय समाज

जइसन एखन कर देश आउर दुनियाँ हय सेके देखल जाय, तो बुझायल की समुचा दुनिया कर हालइत बहुत खराब हय। अगर समुचा दुनिया के एगो सिकरी कहल से, भारत देश के उ सिकरी कर एगो कड़ी कइह सकीला। समाज में, सामाजिक, आर्थिक आउर सांस्कृतिक सुधार आन्दोलन कर जरूरत हय, दरकार हय। आन्दोलन में भ्रष्ट राजनेता आउर पूँजीपति मन कर विरोध में सउब अदमी मन के जगायक आउर खड़ा होवेक हय। काले कि जातना उ मन ठीन शासन आउर सोसन कर हथकण्डा, तौर और तरीका हय सेके काबजा कईर के मुठियाय ले हय। हामरे मन के राजनेता

आउर पुंजोपति मन से छोड़ाय के हामर काब्जा में लानेक हंय ।
 आउर सउब समाज कर सउब अदमी मन के सामाजिक, आर्थिक
 आउर सांस्कृतिक सउब बरन से स्वावलम्बी बनायक हय । आपन
 गोड़ में खड़ा होवेक हय । प्रकति कर नियम विभिन्नता कर हय ।
 बरने बरन । एके लखे नहीं । लेकिन देश काल आउर पात्र कर
 हिसाब से सउब चीझ बदलायला । ठाँव अदमी आउर जइसन
 जरूरत सेहे लखे आपने आप के भी बदलेक पड़ेला । लेकिन आत्मा
 तो सबकर एके बरन है । सबकहे भूख लागेला । आवश्यक
 आवश्यकता मौलिक आवश्यकता होयक चाही । आर्थिक ईकाई ही
 समाज आन्दोलन कर मुख्य लक्ष्य है, उद्देश्य है । अगर आर्थिक
 संकट (दिकत) ना होवे तो समाज कर गति में, विकास में रुकावट
 नी होवी । समाज आगे बढ़ते रही ।

अगुवई करेक कर भाव से गतर सिहर उठलक, अगुवई कर
 नाव से गतर सिंहइर उठलक । समाज कर दुदशा के सोइच के
 लागलक कि का लखे करती जे समाज कर दुर्दशा बदइल
 जातक । गतर सिंहरेक लागलक । इसने सोचेक वाला, मन वाला
 अदमी जून समाज कर सउब अदमी मनक हर किसिम कर दुख
 तकलीफ से उबार कर सकेले । अदमी मनक मन चाइर बरन कर
 होवेला । बरन कर माने होवेला रंग । जेके एखन जाइत कहेना । उ
 बरने बरन कर जाइत नहीं । शूद्र (क्षद्र) कर मन कर रंग करिया
 होवेला । क्षत्रिय कर मन कर रंग लाल । विप्र कर मन कर रंग
 चारका आउर वैश्य कर मन कर रंग होवेला पीयर । आउर जकर
 मन कर रंग करिया, लाल, चारका आउर पीयर एहे चाइरो मेसा

रहेला उख सद्विप्र कहल जाहे। उकर लेगीन सउब अदमी जीव जन्तु, पशु—पक्षी, गछ वक्ष, घास—पात, जड़—चेतन सउब बराबर है। उकरे में अगुवई में भौतिक (शारीरिक) मानसिक आउर आध्यात्मिक विकास होई सकेला। उकर नजइर में सउब बराबर है। कोनो किसिम कर कोई भेदभाव नी रही। सब एके सष्टीकरता कर बेटा बेटी हेकंय। सब वृहत् (विशाल) परिवार कर सहोदर भाई बहिन हेकंय। समाज चक्र के बीचे में उकरे माने सद्विप्र कर अगवई रही। जेकर में सर्वजन सुखाय सर्वजन हिताय रही। आउर अनैतिक तत्व कर विरुद्ध में संघर्ष ले तैयार रहक होवी।

जोन जोन आर्थिक चीझ मन लेगीन हामरे के आपन निर्भर रहक है सेकर लेगीन समाज आन्दोलन कर काम आर्थिक चीझ मनकर जोगाड़ करेक हय। जोगाड़ करेक खन हामर के कोन कोन मन कर ध्यान देवेक होवी सेमन हेकंय —

- (1) जोगाड़ करेक चीझ में खर्चा लागो सेके — उ चीझ कर बेचेक दाम खर्चा कर दाम से तनी मनी बरगरा लगायक है।
- (2) फायदा करेक वाला चीझ — बाढिया वाला आउर मैझला वाला कर लेगीन ओहे जगन उकर (उद्योग) काम लगायक हय। जोन लाइल बागरा से बागरा कच्चा माल भेटाई। आउर उकर (काम दरकार) भी, बागरा लागी आउर दरकार पड़ी।
- (3) कीनक पाया (क्रय क्षमता) — बागरा कीनक कर पाया जून आर्थिक नीति कर उद्देश्य होयक चाहो। महनताना आउर

तनखा में बढ़ोतरी चीझ कर दाम कर हिसाब से होवेक चाही।

- (4) सामूहिक आवश्यकता — सामाजिक आर्थिक ईकाई कर सदस्य के कम से कम आवश्यकता कर पूर्ति होवेक चाही। सामूहिक आवश्यकताओं को व्यक्तिगत आवश्यकता से बागरा प्राथमिकता दक चाही।

आर्थिक स्वतंत्रता, आत्मनिर्भरता एवं विकेन्द्रीकरण

आर्थिक स्वतंत्रता कर माने है जहाँ सउब अदमी खुशहाल आहंय। हर किसिम कर आर्थिक समस्या कर समाधान आपनेहे मन कईर लेवेना। कोई बाहरी अदमी या पूंजीपति मन कर जरूरत नी पड़ेला। आउर इकर ठीक उल्टा में सउब बाते दोसराय मनक आसरा भरोसा होवेला। कालवा बियारी कर बात तो दूर रोहोक। छोटका से छोटका चीझ ले भी दोसराय कर भरोसा बेना सोचेक पड़ेला। कोतनो बड़का बड़का बाहरी धनी, आउर बाहरी ठीकदार मन कर काम करते करते रहले भी कलवा बियारी ले सोचेक पड़ेला। नी करले भी नी बनेला। मन करले भी पेट सुखेला पेट कर अलावे काके दोसर बात के सोचब। दुख बेमारी पडले तो मरले फल हय। विदेशी पूँजो आउर बहुराष्ट्रीय कम्पनी कर शोषण दमन चक्र का नी कईर सकेला। सब सम्भव हय। पेट का नी करवाई। मरता क्या नहीं करता। समाज में एखन बहुत किसिम कर असामाजिक काम होई रहल हय। अदमी मन में एखन

आध्यात्मिकता कर कमी है। नैतिक पतन हय। रंग बिरंग कर गलत सलत काम होई रहल है। इकर एहे सब कारण है। बिरले अदमी सही हंय, आध्यात्मिक हंय। आउर नीतो बिरले अदमी छोड़ के सबे असामाजिक काम के हे आपन कलवा बियारी खात हंय। गरीब तो गरीब, धनी अदमी कर घर बे असामाजिक काम करले नी बढ़ते जातक। शासन आउर शोसन व ओहे मन करत हंय आउर करुवात भी हंय। गलत काम कर दिनोंदिन बढ़ते लोकन घटत नखे। इकर सारा श्रय धनी आउर राजनेता मनक बहुराष्ट्रिय कम्पनी मनक मिलीभगत हेके। गरीब गरीब होते जाँव आउर हामरे पीढ़ी दर पीढ़ी पेशवार बने ले रहों। आपने मन भोतरे भीतरे कमरा ओड़ के माजा लेत रहबंय गुर चिउरा खात रहबंय, चमचा बेलचा हर मन उल्टा सीधा पढुवात रहबंय। चमचा बेलचा मन भी आपने आप के साहेब से कम नी बुझेना। बाप कर नाँव साग पात बेटा कर नाम मिठईदास लखे।

आर्थिक स्वतंत्रता, आत्मनिर्भरता आउर विकेन्द्रीकरण लेगीन दोसर कोनो उपाय नखे। बड़का समाज कर झुंड बनाय सकेना आउर कोई बाहरी सासन आउर शोसन करेक वाला मन कर विरुद्ध में आन्दोलन भी कईर सकेना आपन विकास कर भी कोनो काम कईर सकेना इकर में तो कहल जाहे। हामरे के बाहरी पूँजीपति मन हिया कर राजनेता मन से मिल के हामरे कर सोसन होवथे। सेके रोकेक कर ले बनाल जाहे। कि विदेशी पूँजी से बहुराष्ट्रिय कम्पनी मन सुपर मार्केट से सम्पक कईर के हामरे कर जे सोसन होथे सकर से बांचक ले कहल जाहे। एहे लखे दस कर

लाठी एक ढन से बड़का बोझ हेके। तो हामरे के का दुख हय
 सेके सोचेक हय आउर विश्व सरकार बनायक ले काम करेक है।
 सहयोग करेक है। संग लागेक हय।

सामाजिक आर्थिक ईकाई का सदस्य

प्राउत कर नियम कर हिसाब जे आपन सामाजिक आर्थिक
 स्वार्थ उ ईकाई कर सामाजिक आर्थिक स्वार्थ कर संगे मेसाय
 देहे। मिलाल देलक उ हुवाँ कर स्थानीय सदस्य बईन गेलक।
 इकर में मजहब (धर्म) जाइत, रंग चाहे भाषा से मतलब नखे, लेना
 देना नखे। जीयेक खायक कर हिसाब से उ ईकाई कर सदस्य
 होई जाई। इ आन्दोलन भौमप्रवणता केन्द्रित राजनैतिक आन्दोलन
 ना लाय। लेकिन सबकर भलाई लेगीन आर्थिक सामाजिक क्रान्ति
 होवी अन्तराष्ट्रीय पूँजीवाद मनक भी हामरे के विरोध करेक हय।
 एक समाज कर सम्पत्ति के दोसर समाज के हड़पेक नी चाहो। जे
 लखे कि पुंजी लगायक वाला मन करेना। हर ईकाई में
 आत्मनिर्भरता आर्थिक स्वतंत्रता लेगीन काम करेक होवी। अगर
 इसन नी करत हंय तो एक समाज के दोसर समाज पहले से
 बागरा राजनैतिक सांस्कृतिक आउर शोषण करी।

सामाजिक आर्थिक ईकाई भी औद्योगिक नीति

स्थानिय सम्भावना आउर क्षमता (ताकत) कर पूरा आउर
 बागरा से बागरा काम में लानल जाई। इसन नियम के जरूर से

जरूर पालन करल जाई। हरेक किसिम कर उद्याग के नीचे लिखल श्रेणी में बांटल जाई।

- (1) मूल उद्योग – उर्जा आउर खनिज मन जइसन मूल उद्योग के राष्ट्रीयकरण क्षेत्रीय आधार में करल जाई। आउर उकर संचालन बिना घाटा-नाफा कर सिद्धान्त (नियम) से करल जाई। राजस्व कर तैनको पूँजी विकास आउर अदमी मनके प्रोत्साहन करेक लेगीन छिनगाल जाई।
- (2) खेती आउर जरूरी उद्योग कर नावा व्यवस्था लेगीन उपभोक्ता आउर उत्पादन सहकारिता (मिलजइल) के करेक मइतका करल जाई।
- (3) उपरे दुयो बताल के छोड़ि आउर जे दासर उद्योग मन होवी सेके व्यक्तिगत मालिकाना कर मइतका करेक कर छुट्टी देई देवल जाई।

श्रम नीति

- (1) खेती आउर जरूरी उद्योग मनकर ले श्रमिक आउर सहकारिता (मिलाय) के तइसन जपूर पड़ी करल जाई।
- (2) मूल उद्योग में श्रमिक संघ संगठित करल जाई।
- (3) वेतन कर बेगर कटौती करले काम कर घंटा में कम करते जायक हय।
- (4) रोजगार कर गारंटो होयके चाही।

इकर लेगीन सिरिफ एके गो उपाय है आउर कोई उपाय नखे। इकर लेगीन प्रउत सिद्धान्त आधारित सामाजिक आर्थिक व्यवस्था लानक पड़ी। जबतक आर्थिक स्वतंत्रता नी होई तबतक राजनैतिक स्वतंत्रता से कोनो होवेकवाला नखे। आर्थिक निर्भरता सउब बरन समस्या कर समाधान लेगीन उपाय करेक होवी।

1. जीयेक लेगीन जे भी मौलिक दरकार है सेकर पूरा करेक कर खंधी सरकार के लेवेक पड़ी।
2. सामूहिक हित के एक नम्बर में राइख के व्यक्तिगत जामाखोरी के बन्द करक होवी।
3. नाफा कर बागरा से बागरा और कम से कम कर नियम बांधेक पड़ी। समय समय देइख के घटते बढ़ाते रहक पड़ी।
4. पैदावार आउर पूँजी के अन्दाज कईर कईर के विकोन्द्रत करेक होवी। छिरियायक, बांटेक होवी।
5. खेती आउर खेती से सम्बन्धित काम के सहकारिता (मिलजुल के) करेक होवी।
6. राजनैतिक पावर कर केन्द्रीकरण, विश्व संविधान आउर विधि व्यवस्था के बढ़ायक होवी।
7. बैंक कर सामाजीकरण आउर उके पूरे पूरा सहकारी में बदइल देवेक होई। (मिलीजूली होवेक होवी।
8. उत्पादन आउर बांटेक लेगीन उपभोक्ता सहकारो समिति बनायक होवी।

9. जे मन गिनती में कम है आउर जनाना (महिला) मन कर सउब बरन कर शासन आउर शोसन कर विधि व्यवस्था आउर रीति रेवाज सब के मेटाय देवेक हय।
10. खबर समाचार कर तौर तरीका हय सेके फिरी (स्वतंत्र) कईर के राजनीति वाला मन से फरके कईर देवेक हय।
11. पढ़ाई लिखाई करेक वाला मन कर देखरेख छानबीन करेक वाला मन के भी बेस बगरे पढ़ल लिखल रहक चाही। जानकार रहक चाही।
12. शुरू से आखरी तक कर पढ़ई लिखई लेगीन बेस आउर सकत व्यवस्था फीरी (मुफ्त) रहक चाही।
13. नौकरी करेक वाला मन कोनो किसिम कर गलत सलत काम ना करों। आउर, आउर भी कोनो किसिम कर भ्रष्टाचारी ना होवोक सेकर भी व्यवस्था करेक हय।
14. पैसा कौड़ी से सम्बन्धित कोनो किसिम कर काम जसे जूहा, जमाखोरी, कालाबाजारी भी नो होवेक चाही।

स्वावलम्बी आर्थिक ईकाई बनायक लखे तत्व (चीझ)

1. एक मइतका जाइत मन कर झण्ड (समूह)
2. जे जे अदमी मन कर संस्कृति एके बरन हय
3. जे मनकर आर्थिक समस्या, दिक्कत एके बरन हय।
4. जे जे मनकर समस्या, परेशानी एके बरन होई सकेल्

5. एके बरन विकास योजना बनेक लखे

आउर एके लखे भौगोलिक स्थिति भी इ लखे एकेक बरनियाँ स्वावलम्बी ईकाई बनाल से बहुत फायदा होवी। कालेकि इमन सउब कर एके बरन सस्कृति, भाषा, आवश्यकता, आउर आउरे आउर चीज एके बरन रहल से एक समाज कर रूप में आय जाबँय एकजुट सब रहबंय, सब कर मिलन से एक किसिम कर सामाजिक ताकत होई जाई। ताकत रही। जरूरत पड़ले आपन ताकत कर आन्दोलन से सम्बन्धित काम भी कईर सकेना। एहे लखे कर ढईर समाज में एक ठो

श्रम नीति

- (5) पहोले जातना वेतन (भृति) मिलत रहे। सेकर से जैसे जैसे जरूरी चीझ कर दाम होवी ओहे हिसाब से वेतन भी देवल जाई।
- (6) सबसे कम आउर सबसे बागरा वेतन होवेक चाही सेके बाइन्ध दक चाही। सबसे कम आउर सबसे बागरा कर बीच कातना भर फरक हय सेके धीरे धीरे कम करते जायक हय।
7. काम कैसन करेक चाही। काम आउर कमिया कैसन है से हिसाब से सउब बात के सोचते बुझ जे लखे बेस होवी सेहे लखे करेक आउर करुवायक है। जोर जबरजसती नी करुवायक चाही।

- (8) गेयान आउर बुद्धि कर हिसाब से उके काम दक हय आउर काम करेक पारी कि नहीं दे सेके भी देखेक हय।

कृषि नीति

प्राउत सिद्धान्त कर कहेक है कि धरती कर उपभोग करेक कर सबके बराबइर—बराबइर कर हक हय। हामर खेती कर नीति में एहे मइतका कर विचारधारा एकदम गहराई से जुड़ल हय।

इकर अनुसार जातना से जातना बागरा सउब सम्पति के जामा करेक कर हक आउर एके ज्ञान के केखां नखे। हामरे सिरिफ उकर उपभोग कईर सकीला दुरूपयोग भी नहीं। इसन सिद्धान्त में हामर विश्वास नखे कि जमीन उकर हेके जेके उ जोतेला। प्राउत सिद्धान्त सबकेहे आपन मूलभूत आवश्यकता कर पूरती करेक कर हक देवेला। धरती चाहे ओउरो दोसर भी कोई प्राकृतिक संसाधन सबे अदमी कर मिलात सम्पति हेके। हामर खेती में सुधार आउर सहकारिता सहयोग कर बल से हरेक आर्थिक ईकाई के उपभोक्ता (खायक पियेक कर सामान) कर पूरति करे हय। खेतीबारी तनी मनी नी होई के बड़का उद्योग कर रूप में होवी। कोशिश करल जाई 30% तक कर अदमी मन हुवाँ काम करबंय।

विज्ञान तथा तकनीकी नीति

पढ़ेक लिखेक ले जे मन बाहरे जायन से मन से विशेष जोगाड़ करल जाई। जेकर से कि आर्थिक ईकाई के जरूरत पर आउर पर्यावरण परिस्थिति कर लेगीन स्थानीय तकनीक के

विकसित करल जाय सकेला। इकर लेगीन दु किसिम कर दरकार पड़ी। एक तो स्थानीय वैज्ञानिक आउर तकनीकी शोध केन्द्र स्थापित करेक। दोसरा पढ़ेक लिखेक वाला स्कूल मन में विज्ञान आउर तकनीकी पाठ्यक्रम कर पुनर्गठित करेक। इसन करले शहर बट जाय के पढ़ेक नी पड़ी।

पिछड़ों के लिए आराक्षण नीति

पिछड़ा मनकर आरक्षण नीति के राजनैतिक हथियार लेगीन करल जाथे। राजनेता मन आपन स्वार्थ लेगीन फूट डालो और राज करो कर नीति करत हंय। हामर मनक कहेक हय जे अशिक्षित आउर बेरोजगार हंय सेहे मन के भईर जून पिछड़ी कहल जातक। आरक्षण कर न हेठे लिखल वाला मन के भईर मिलेक रहे—

- (1) पहला — जे मन सामाजिक आउर आर्थिक दुइयों मइतका में पिछड़ल आहंय।
- (2) दोसरा — जे मन आर्थिक दृष्टी से पिछड़ल हंय लेकिन सामाजिक दृष्टी से नहीं।
- (3) तीसरा — जे सामाजिक दृष्टी से पिछड़ल नखंय आउर निर्धन भी नखंय।

जनसंख्या

एखन जे जनसंख्या बढ़ते जाथे दुनियाँ कर लेगीन एगो समस्या बईन जाहे। अगर देखल जाय तो सही माने में बढ़ती

जनसंख्या समस्या कर कोई कारण ना लाय बल्कि स्वार्थी अदमी मनकर से षड़यंत्र कर कारण समस्या बईन जाहे। ई पथ्वी में अदमी मन रहक कर ठाँव ठेना रहक कर खायक कर कोनो किसिम कोई घटी नखे। लेकिन एखन भी जे चीझ हय सेकर कोनो उपयोग होथे ना कोनो खोज खबर होवेथे। विशाल सम्भावना कर खोज होथे ना राइज कर मालीक कर ठेकान है आउर कोनो चीज कर व्यवस्था भी ठीक नखे। एहे सब गड़बड़ी कर चलत जनसंख्या कर समस्या कर समाधान ठीक से नी होवथे। जनसंख्या कर समस्या कर विषय में हेठे लिखल उपाय बतायना।

- (1) समाज कर आर्थिक दृष्टी से भइरपूर होवेक चाही जेकर से कि रहक—सहक, खायक—पियेक, पिन्धेक—ओढ़ेक आउर आच्छा से जीवन जीयेक संसाधन भरपूर होवेक चाही। बहुत इसन देश है जहाँ हर संसाधन भइरपूर है लेकिन हुआँ जनसंख्याय नखे। जैसे स्कैंडियन देश लाइल कोनो कहके नखे।
- (2) सबके गतर से स्वस्थ रहक चाही। स्वस्थ गतर से ग्रथि रसस्त्राव बाढिया से होवेला। स्वस्थ अदमी आपन गतर कर उर्जा के मानसिक उर्जा में आउर मानसिक उर्जा के आध्यात्मिक उर्जा में आसानी से बदइल सकेला। उमनकर मानसिक प्रवाह जड़ात्मक भोग प्रवृत्ति बटे नी जायला।
- (3) अदमी मन के बिना मतलब कर अनावश्यक आउर निराधार तनाव में नी रहक चाही। मानसिक तनाव से बांचक ले

इन्द्रिय जनित भोग बटे नी जायक चाही। आपन जीवन के लेगीन सूक्ष्म मानसिक आभोग के कीमति आउर प्रचोदित करेक होवी।

- (4) अदमी मनकर बौद्धिक स्तर उपरे उठायक होवी। बुद्धिजीवी अदमी आउर समष्टि कर बीचे में परस्पर तालमेल स्थापित करेक होवी।

बेरोजगारी कर समस्या

बेरोजगारी — लोभ आउर नाफा कमायक आदत कर चलते होई जायला। दुयो बरन कर व्यवस्था में अदमी आउर राइज के जामा करेक कर फिरी छुट देवल जायला। आम अदमी कर भलाई कर बात नी होयला। विकेन्द्रित अर्थव्यवस्था आउर सहकारिता, समाज आन्दोलन कर नीति हेके। ई मधे कर आर्थिक लोकतंत्र में अदमी रोजगार के नी खोजेला। रोजगार अदमी के खोजेला।

उत्पादन तथा वितरण (रासन आउर बांटेक)

पैदावारी आउर बांटेक एखन कर सबसे बड़का समस्या है। अदमी चाहे राइज कर जिमा एखन कर आर्थिक प्रणाली आम अदमी कर भागीदारी के नी सोचेन। सेले इ लखे कर आर्थिक व्यवस्था में उत्पादन आउर वितरण कर तरीका दोसपूर्ण हय। समाज कर नीति हय कि उत्पादन आउर बांटेक कर जिमा सहकारी समिति के देई दक चाही।

एखन कर समय में रासन बांटेक बहुत बड़का समस्या है। कोनो अदमी के चाहे राइज के एकाधिकार जिमा देई देवल से आम अदमी कर भागीदारी के नी सोचेन समझेन। बांटेक कर तरीका दोसपूण ह। सेले समाज के उचित ह कि रासन बांटेक कर जिमा सह सहकारिता समिति के देई देवल जाय।

प्राउटिस्ट समिति की कार्य योजना

अदमी मन के आर्थिक स्वतंत्रता मुहइया करायक लेगीन सहकारिता आउर विकेन्द्रीकरण कर आधार से कार्ययोजना तैयार करेक ले हेठे लिखल हय —

- (1) क) अदमी मन लेगीन कम से कम आवश्यक आवश्यकता (खाना/खायक, लुगा, घर, शिक्षा आउर चिकित्सा (इलाज) कर पूर्ति लेगीन कीनक कर पाया बढेक चाही।
- ख) अदमी मन मन कर कम से कम आवश्यक आवश्यकता आवश्यकता कर बाद गुणवान अदमी मनक कर कर गुण के हिसाब से तनी अइदका काही जाही कीनक लेगीन प्रोत्साहन भत्ता होयक चाही।
- ग) देश, काल आउर पात्र कर हिसाब से सउब चीझ बदलायला सेहे लखे न्यूनतम स्तर में भी धीरे धीरे न्यूनतम स्तर में भी बढ़ोत्तरी होयक चाही।

घ) न्यूनतम आवश्यकता कर पूर्ति कर बाद हर अदमी मन के भी बागरा सुविधा दक चाही।

(2) सामाजिक आर्थिक ईकाई कर बहुते सम्बन्धित ईकाई ओहे वाला लक्ष्य के पावेक ले सउब कोई तालमेल राखबंय। गाँव स्तर से लेई के उच्च स्तर तक कर समाज ईकाई मन सामाजिक आर्थिक व्यवस्था कर गठन करेक ले प्रखण्ड स्तर कर योजना मन के निर्देशित करबंय। निचला स्तर कर समाज ईकाई मन भी सुनिश्चित करबंय कि प्रखण्ड स्तर योजना मनक कार्यान्वयन बाढया से होवक। प्रखण्ड स्तर कर योजना के उपरे थोपल नी जाई। क्षेत्र कर सर्वांगीन विकास कर लेगीन आर्थिक ईकाई कर योजना स्थानीय विशेषज्ञों द्वारा बनाल जाई। इ योजना तीन क्षेत्र मन ले होवी।

— कृषि, कृषि आधारित उद्योग (कृषि उत्पादन पर आधारित) आउर कृषि उद्योग (कृषि कर लेगीन आवश्यक उत्पाद — बीज, खाद, हर, ट्रैक्टर आदि)। ई उद्योग सहकारिता कर आधार पर नियमित संचालित होवी। कुछ उद्योग जेकर में उत्पादित माल दोसर उद्योग कर कच्चा माल कर रूप में व्यवहार होवी आउर उकर से सहकारिता के आधार से चलायक सम्भव नी होवी मूल उद्योग के अन्तर्गत आबंय और आर्थिक ईकाई की केन्द्रीय व्यवस्था उके संचालित करो। समुचित आर्थिक विकास के करले सन्तुलित

आर्थिक व्यवस्था जरूरी है। संतुलित अर्थावस्था में लोगों की भागीदारी निम्निलाखित अनुपात में होनी चाहिए।

- 30 से 40 प्रतिशत कृषि में
- 20 प्रतिशत कृषि आधारित उद्योग में
- 10 प्रतिशत व्यापार में
- 10 प्रतिशत वेतनधारी लोगों में

(3) दोसर—दोसर आर्थिक ईकाई में कमी—बेसी मदइद, तालमेल स्थापित करल जाई। बाइढ़ रोकेक, नदी घाटी योजना, आवेक—जायक, वैज्ञानिक खोज अणुशक्ति लखे तकनीकी (टेक्निकल) विचार से नी बुझायक लखे आउर एक से बागरा आर्थिक जुड़ल मइतका मन के मद मदइत विकास योजना कर प्रबन्ध से मदइत करल जाई।

(4) बडो ईकाई कर गठन करेक — हेठे लिखल हालइत में एक से बागरा समाज के मिलाय के बोड़ ईकाई बनाल जाई।

(क) आर्थिक स्तर कर समानता

(ख) आवेक जायक कर साधन में सुधराइक

(ग) प्रशासनिक (देखरेख) में सुविधा

(घ) सस्कृति में निकटता (एके बरन करेक लखे)

(5) आर्थिक स्वतंत्रता कर आधार

(क) आर्थिक स्वतंत्रता कर माने है कम से कम सबकर लेगीन आवश्यक आवश्यक आवश्यकता कर गारंटी।

- (ख) हर अदमी में कीनक कर ताकत होय जाइक
 - (ग) आर्थिक स्वतंत्रता उके कहल जाई जेमन के आर्थिक का निर्णय लेवेक कर ताकत होई जाहे। आर्थिक निर्णय लेई सकेना।
 - (घ) स्थानीय आर्थिक मामला बाहरी अदमी कोनो नी कईर सकेला।
 - (ङ) हर हालत से पर्यावरण आउर पर्यावरण की सुरक्षा करल जाय सकेला।
- (6) विकेन्दित अर्थव्यवस्था लेगीन हेठे लिखल होवक चाही।
- (क) स्थानीय अदमी मन के रोजगार पूरा होवेक चाही।
 - (ख) बाहरे स तैयार माल के आवेक दक नखे। लोकल स्थानीय माल के ही उपभोग में लानेक है।
 - (ग) जोन चीझ कर जरूरो है हिये पैदा करेक है, बनायक ह। आउर सहकारी समिति ही उके बांटी।
 - (घ) स्थानीय सर—सामान कर देखरेख स्थानी अदमी मन करबंय।
 - (ङ) हियां कर अदमी मन के जोन चीझ कर दरकार है उकर पैदा हिये करबंय। नाफा कमायक विचार से भी नहीं।
- (7) विदेश नीति —

नवमानतावाद माने सष्टी में जे भी जीव जन्तु, अदमी जन, अदमी जन, पशु-पक्षी, कीड़ा-मकोड़ा, गछ-वृक्ष, घास-पात, सजीव-निर्जीव एके परमपिता कर बेटा-बेटी हेकंय। सेले सउब के एके सहोदर भाई-बहिन कर भाव धारा में चलेक चलायक आउर रहेक-सहेक हेके। सेकर लेगीन हेठे लिखल कर हिसाब से चलेक चलायक हय —

- (क) एके बरन-बरन कर जीवन जीयेक
- (ख) एके बरन कर संवैधानिक नियम
- (ग) एके बरन कर गलती करले दण्ड सजाय
- (घ) कम से कम जीयेक-खायक कर सर-सामान कर दरकार होवी सब पूरा होयक चाही।

(8) प्रचार अभियान

अदमी मन में सामाजिक-आर्थिक, राजनैतिक जानेक जागेक करेक ले पर्ची, पोस्टर, जनसभा, ग्रुप मीटिंग, समाचार, चीठी-पत्रिका मन से प्रचार करल जाई।

(9) नेतृत्व प्रशिक्षण केन्द्र

नेतागीरी टेरनिंग सेन्टर मन में गाँव तक कर ले अगवई करेक ले तैयार करल जाई। नव्यवाद आउर प्रउत कर किताब मन में टेरनींग करवाल अगुवा मन समाज कर अदमी मन के नीति आउर करेक धरेक के बताबंय।

(10) जन आन्दोलन

गरीबो आउर आर्थिक शोषण करत हंय सेमन कर लेगीन अदमी मन के जगायक ले भारत कर कोना कोना में बहुत बड़का आन्दोलन करल जाय। आउर जइनस—जइसन सेवा कर दरकार होवी जैसे पानी, बिजली, सड़क, शिक्षा, चिकित्सा आउर दोसर—दोसर सुविधा देवक लेगीन उपाय करल जाई। संगे—संगे लागले—लागल गाँव—गंजार लालीक भाषा कर विकास करेक लेगीन व्यवस्था करल जाई। भाषा कर विकास करल बाद अदमी मन कर आर्थिक, मानसिक शोषण करेक नी पारबंय। एखन से पहिले राइज—पाइट देखेक करेकवाला मन भाषाय कर बल से बहुते शासन आउर शोषण कईर हंय ।

(11) निर्वाचन प्रक्रिया में सुधार—

भोट लेवेक देवेक कर काम में बहुते जबरजस सुधार करेक कर जरूरत आहे। जेकर से की राइज चलायक वाला मन लोक काके कहेन सेकर सही रूप देई सकय। आउर पबलिक भी महसूस करे कि हामरे मन लोकतंत्र राइज कर पबलिक हेकी लोकतंत्र में पबलिक के आपन मन मोताबिक सरकार बनायक कर पूरा हक हय। से भोट देवइया मन में सामाजिक—आर्थिक—राजनैतिक कर बारे पूरा जानकारी होयक जरूरी हय। भोट देवइया के शिक्षित आउर नैतिकवान होवेक चाही। साथ हो साथ उमन के कम से कम जोन आवश्यकता कर जरूरी है सेभी रहक चाही। सामूहिक मानसिकता सामाजिक अवस्था कर माय हेके। से लेगीन

भोट कर काम में शुद्धिकरण कर चलते आवश्यक सुधार कर जरूरी है। हमर कर नीति है कि उम्मीदवार के चुनाव कर तब तक घोषणा नी करेक चाही जब तक उ कम से कम 50 प्रतिशत भोट ना पाय लेवे।

मानव समाज ई बेरा में भटइक जाहे, बेड़ाय जाहे। पीड़ित शोषित, असहाय मानवता आपन नियति कर चौराहा में खड़ा आहे। एक—एक आउर भीषण शोषण आउर अनतिकता कर बोलबाला हय। तो दोसर बट अदमी सामूहिक आर्थिक असुरक्षा कर चलते हताश होई जाहे। अगर समाज कर पकड़े लोग अदमी मन कर दुख ना समझे तो ई असहनीय सामाजिक—आर्थिक राजनैतिक संकट से बांचक ले बिनाशकारी परिस्थिति आय सकेल। ई भयावह स्थिति से मुक्ति देउवायक आउर सर्वजन हिताय लेगीन ए एखन कर शोषण तंत्र के उखड़ाय के फेकेक कर नव्य मानवतावादी मूल्य पर आधारित नया समाज कर फिर से रचना कर हमर कठोर संकल्प लेई ही। आगत कान्ति कर पदचाप सुनाई देवथे। युग कर ई पुकार सुनेक होवी, इतिहास कर ई निर्णायक मोड़ में अदमी कर विवेक साहस आउर कर्तव्यपरायण कर परिचय देवेक होवी। प्राउडटिस्ट सर्व समाज समिति ई संकल्प के पूरा करेक कर दृढ़ व्रत लेइ राइखे।

**प्राउटिस्ट सर्व समाज
समिति कर
घोषणा पत्र**

प्राउटिस्ट सर्व समाज समिति कर घोषणा पत्र

प्रथम संस्करण मई—1995

द्वितीय संस्करण अगस्त—2026

ISBN 81-85805

मूल भाषा अंग्रेजी से श्री आर० पी० सिंह द्वारा हिन्दी में अनुवादित
तथा श्री एतवा साहू (गुमला) द्वारा नागपुरी भाषा में अनुवादित ।

प्रकाशन सहायक

श्री रतन कुमार महतो — 8987700904

श्री दशरथ बड़ाइक — 9470193292

श्री बुद्धनाथ भगत — 8651972131

मुद्रक: